

掌
中
宇
宙

掌中宇宙卷之十

山東兗州府推官汝陰盧翰輯

潁州道兵備副使潛江歐陽東鳳發刻

潁州知州扶風孫崇先閱

儒學署學正古吳王會圖校

去俗篇

隱逸類

陶唐二隱

堯欲讓天下於許由許由聞之以為汙其耳洗之潁

濱巢父見之恐汙其牛口飲之于上流

商山四皓

東園公姓唐名秉字宣明陳留襄邑人常居園中故號園公綺里季夏黃公姓崔名廓字少通齊人隱居修道號夏黃公角里先生姓周名術字元道河南軹人居角里號曰角里先生當秦之末俱隱上洛商山或云並河內軹人一云東綺夏角四姓也

二人市隱

毛公薛公遭戰國之亂俱以處士隱於邯鄲市毛公

隱為博徒薛公隱於賣漿

漢清名之士六

紀逡薛方邠越邠相唐林唐遵皆以明經飭行顯名於世

二龔

龔勝字君賓龔舍字君倩或曰長倩並楚人皆著清節世號二龔

常三義

常權字孔衡弟瓚字孔玉瓚弟矩字孔規太尉掾常

子才之三子皆修仁義兄弟孝友逢盜賊一人病不能去兄弟相慕兵至俱死時人稱之號常三義

五處士

豫章徐穉字孺子彭城姜肱字伯淮汝南袁閔字夏甫京兆常著字休明潁川李曇字子雲時太傅汝南陳公蕃為尚書令薦此五人徵之皆不至時號五處士

竹林七賢

魏步兵校尉陳留阮籍字嗣宗中散大夫譙郡嵇康

字叔夜，晉司徒河內山濤字巨源，建威叅軍沛邑劉
伶字伯倫，始平太守陳留阮咸字仲容，籍兄子散，騎
常侍河內向秀字子期，司徒瑯琊王戎字濂，仲魏嘉
平中並居河內山陽，共為竹林之游，崇尚老莊，虛無
之學，輕蔑禮法，縱酒昏酣，遺落世事，士大夫皆慕效
之，謂之放達，惟濤乃留意世事，至是典選甄拔人物，
各為題目而奏之，時稱為山公啓事。

何氏三高

何子季以會稽山多靈異，特往游覽，遂家若耶雲門。

寺初子季二兄求點並栖迤至是子季又隱世號點
為大山徧為小山亦曰東山兄弟發跡雖異克終皆
隱世稱何氏三高

都下三隱

劉彥度少懷隱操兄為聘妻尅日成婚彥度聞而逃
匿事息乃還本州刺史張稷辟為主簿挂檄於樹而
逃陳留阮孝緒博學隱居不交當世時人造之未嘗
見也彥度徑一造孝緒即顧以神交彥度族兄士光
又履高操三人日夕招携都下謂之三隱

二仲

永仲羊仲不知何許人皆治車為業挫廉遊名將元
卿之去兗州還杜陵荆棘塞門舍中有三徑不出惟
二人從之游時人謂之二仲

竹溪六逸

孔巢父李白韓準裴政陶沔張叔明

飲中八仙

李白賀知章李適之李璣蘇晉崔宗之張旭焦遂

香山九老亦曰唐西洛九老

遺老李元爽一百三十六僧如滿九十五司馬胡果
八十九衛尉卿吉叟八十八刺史劉貞八十七長史
鄭據八十五侍御史盧真八十三刺史張渾七十七
尚書白居易七十四時秘書監狄兼謨以年及七十
雖與會而不及列九人皆高年不仕時人慕之繪為
九老圖

李氏二隱

李渤字濬之刻志於學與仲涉隱於廬山久之更徙
少室元和初李巽常况交章薦之詔以右拾遺召渤

辭不拜

五代三高

五代鄭遨隱華山與道士羅隱之李道殷善世稱為
三高士遨賣藥自給道殷釣魚而不餌

江陵三李

李克言江陵人熙寧中除侍御史未七日即上印綬
其兄立言亦自澶州納政時又有李竦亦引疾同時
里居却人為之語曰元豐濟濟稱多士江陵堂堂有
三李萬鍾於我何加焉一瓢樂在其中矣

三宜休

司空圖居中條山亭名休休曰量才一宜休揣分二宜休耄而曠三宜休

四休居士

孫君昉字景初自號四休居士山谷問其說君昉笑曰麤茶淡飯飽即休補破遮寒煖即休三平四滿過即休不貪不妬老即休山谷曰此安樂法也

六一居士

歐陽修歸田頽上有書一萬卷遺文一千卷琴一

原缺

揚誠齋年未七十退休南溪之上老屋一區僅庇風
雨聰明強健閒退十有六年寧皇初與朱文公同召
公獨不起文公與公書云更能不以樂天知命之樂
而忘與人同憂之憂毋過於優游毋決於適思則區
區猶有望於斯世也公已決於高蹈遂自贊曰江風
索我吟山月喚我飲醉倒落花前天地為衾枕又曰
青白不形眼底雌黃不出口中只有一罪不赦唐突
明月清風

卓犖部

三君

大將軍槐里侯扶風平陵竇武字游平太傅高陽鄉
侯汝南平輿陳蕃字仲舉侍中河間樂成劉淑字仲
承當世語曰天下忠誠竇游平天下義府陳仲舉天
下德弘劉仲承是為三君君者言一世之所宗也

八俊

少傅潁川襄城李膺字元禮司空山陽高平王暢字
叔茂太僕潁川陽城杜密字周甫司隸校尉沛國朱
寓字季陵尚書會稽上虞魏朗字少英沛國潁陰荀

聖字伯條大司農博陵安平劉祐字伯祖太常尚書郎
成都趙典字仲經當世語曰天下模楷李元禮天下
英秀王叔茂天下良輔杜周甫天下冰凌朱季陵天
下忠真魏少英天下好交荀伯條天下稽古劉伯祖
天下才英趙仲經是謂八俊俊者言人之英也

八顧

有道太原介休郭泰字林宗太常陳留圉夏馥字子
治尚書令河南鞏尹勳字伯元河南尹太山平陽羊
涉字嗣祖議郎東郡陽平劉儒字叔林冀州刺史陳

國項蔡衍字孟喜潁川太守渤海高城巴肅字恭祖
議郎南陽安衆宗慈字孝初當世語曰天下和雍郭
林宗天下慕恃夏子治天下英藩尹伯元天下清苦
羊嗣祖天下瑤金劉叔林天下雅志蔡孟喜天下臥
虎巴恭祖天下通儒宗孝初是為八顧顧者言能以
德行引人者也後漢書無劉儒有范滂

八及

御史中丞汝南召陵陳翔字子鱗衛尉山陽亭平張
儉字元節太尉掾汝南細陽范滂字孟博蒙令山陽

高平檀數字文有洛陽令魯國孔昱字世元太山太守渤海重合范康字仲真太尉掾南陽棘陽岑珪字公孝鎮南將軍荊州牧武城侯山陽高平劉表字景升當世語曰海內貴珍陳子鱗海內忠烈張元節海內饒諤范孟博海內通士檀文有海內才珍孔世元海內彬彬范仲真海內珍好岑公孝海內所稱劉景升是為八及及者言其能導人追宗者也後漢書無范滂有翟超

八厨

少府東萊曲城王商字伯義郎中魯國蕃嚮字嘉景
北海相陳留已吾秦周字平王侍御史太山奉高胡
毋班字季皮太尉掾潁川陰劉翊字子相異州刺史
東平壽張王考字文祖陳留相東平壽張張邈字孟
卓荊州刺史山陽湖陸度尚字博平當世語曰海內
賢智王伯義海內修整蕃嘉景海內真良秦平王海
內珍奇胡季皮海內元光劉子相海內依怙王文祖
海內嚴恪張孟卓海內清明度博平是為八厨厨者
言能以財救人者也後漢書無劉翊有劉儒王商作

王章

二十四賢

太尉河南杜喬字叔榮太常燉煌張奐字然明侍中
河內向詡字甫興太傅汝南陳蕃字仲舉太尉沛國
施延字君子少府潁川李膺字元禮司隸沛國朱寓
一名詡字季陵太僕潁川杜密字周甫大鴻臚潁川
韓融字尤長司空潁川荀爽字慈明司空清河房植
字伯武聘士彭城姜肱字伯淮太尉下邳陳球字伯
真司空山陽王暢字叔茂徵士陳留申屠蟠字子龍

衛尉山陽張儉字元節大司農北海鄭玄字康成徵士樂安冉瑒字孟玉太尉漢中李固字子堅有道太原郭泰字林宗益州刺史南陽朱穆字公叔尚書會稽魏朗字少英聘士豫章徐稚字孺子度遼將軍安定皇甫規字威明魏文帝初為丞相魏王所旌表二十四賢後明帝乃述撰其狀

晉中朝八達

陳留董昶字仲道瑯琊王澄字平子陳留阮瞻字千里潁川庾凱字子高陳留謝鯤字幼輿太山胡毋輔

之字彥國沙門于法龍樂安光逸字孟祖

一曰胡毋輔之謝鯤阮放畢卓羊曼栢彛阮孝光逸

白居易四友

嵩山僧如滿為空門友泉客常楚為山水友彭城劉
夢得為詩友安定皇甫朗為酒友

三君子一代偉人

王文正公居宰府二十年未嘗見愛惡之迹天下謂
之大雅冠萊公左右天子却戎狄保社稷天下謂之
大忠樞密馬公慷慨立朝有犯無隱天下謂之大直

四真

富弼真宰相歐陽脩真學士包拯真中丞胡翼之真
先生宋嘉祐中唐玄宗天寶元年親享玄元黃帝
老子于新廟以莊子為南華真人文子為通玄真人
列子為冲虛真人庚桑子為洞虛真人是亦為四真
慶元六君子

韓侂胄賤汝愚太學生楊宏中周端朝張衡林仲鱗
蔣傳徐範六人伏闕上書被竄天下號為六君子

洛蜀朔三黨

洛黨以程頤為首而朱光庭賈易為輔蜀黨以蘇軾為首而呂陶等為輔朔黨以劉摯深熹王巖叟劉安世為首而輔之者尤衆惟呂大防秦人慙直無黨范祖禹師司馬光不立黨

楊秉三不惑

楊秉所至以清白稱曰我有三不惑謂酒色財也

李揆三絕

李揆為中書侍郎上曰卿門第人物文學皆當出第一故時稱三絕

傅堯俞三德

傅堯俞清直勇三德

范文正公三光

文正初為校理以言事忤章獻太后貶河中餞者曰
此行極光後為司諫爭廢郭后事貶陸州餞者曰此
行愈光後為知開封撰進百官圖忤宰相貶饒州餞
者曰此行尤光公笑云仲淹前後三光矣客大笑而
散

陳登所敬五賢

陳矯李弼謂陳登驕而自矜登曰夫閨門雍穆有德
有行吾敬陳元方兄弟淵源玉潔有禮有法吾敬華
子魚清修疾惡有識有義吾敬趙元達博文強記奇
材卓犖吾敬孔文舉雄姿傑出有王伯之畧吾敬瞿
元德餘子瑣瑣焉足錄所敬如此何驕之有

許劭不造二人

許劭字子將嘗到潁川多長者之遊唯不候陳寔又
陳蕃妻獨不往或問之曰太丘道廣廣則難周仲
舉性峻峻則少通故不造也

姚宋質疑二人

紫微舍人高仲舒博通典籍齊澣練習時務姚宋每坐二人以質所疑既而嘆曰欲知古問高君欲知今問齊君

溫公心服二人

溫公退洛每論當世人物必曰呂獻可之先見范景仁之勇決皆予所不及心誠服之

三人不失和氣

韓魏公范希文韓彥國同在西府上前爭事議論各

別下殿不失和氣如未嘗爭

三人忠誠剛正

蔡襄歐陽修王素知諫院時稱忠誠剛正

隋二劉

大劉名焯河間人小劉名炫信都人結盟為友雖衣食不繼淡如也著五經義疏諸儒古今滯義大劉皆明之人服其精專小劉亦亞之故稱二劉

越府三才

潘洎大才劉興長才裴處清才時稱為越府三才皆

晉人

戶部二妙

韋維字文紀開元中為戶部郎中善裁剖時貧外郎宋之問善詩故稱戶部一妙

三人一龍

管寧與邴原華歆友善時稱三人為一龍寧龍頭原龍腹歆龍尾

二龍

柳惔與兄悅齊名曰柳氏二龍晉許劭兄處亦

號為二龍

四龍

李元禮祖父脩安帝時生子亮叔訓秀號四龍皆牧
守

公沙五龍

公沙紹字子起紹弟孚字允慈孚弟恪字允讓恪弟
遠字義則遠弟樊字義起北海公沙穆之五子並有
令名京師號曰公沙五龍天下無雙穆亦名士也

張氏五龍

學中...
張裕四弟鏡永辨岱俱知名時稱張氏五龍
卒懋兄弟五人並有才識時亦謂五龍

燉煌五龍

索靖燉煌人少有逸群之量與鄉人汜衷張魁索紉
索永俱詣太學馳名海內號燉煌五龍四人並早亡
唯靖該博維史兼通內緒郡舉賢良對策高第出為
西域戊己校尉長史

濟北五龍

膠東令盧汜昭字興先樂城令剛戴祈字子陵潁陰

令剛徐晏字孟平涇令盧友隱字叔世州別駕蛇丘
劉彬字文曜一云世州少並有異才皆稱神童當桓
靈之世時人號為五龍

六龍

溫羨兄弟六人世號六龍

荀氏八龍

荀淑有子八人荀儉字伯慈鯤字仲慈靖字叔慈壽
字慈光汪字孟慈爽字慈明肅字敬慈專字幼慈並
有德業時人謂之八龍

比漢荀氏八龍

賀得仁兄弟八人時比漢荀氏八龍

崔珙父頰生八子皆有才時以擬漢荀氏八龍

王氏九龍

王昕母崔氏生九子皆風流醞藉世稱王氏九龍

五鳳齊飛

太宗時賈黃中宋白李至呂蒙正蘇易簡同拜翰林
學士承旨扈蒙贈詩云五鳳齊飛入翰林其後呂為
相賈李蘇叅政宋為尚書

西州五鳳

謝發五子迭魁太學稱西州五鳳

河東三鳳

薛收與元敬德音俱以文章齊名世號河東三鳳收為長雛德音為鸞鷲元敬為鵝雛

三鳳

何栗與兄棠弟桀稱三鳳

魏氏雙鳳

魏餉二子景義景禮並有才行世稱雙鳳

雙鸞

何朗奢豪有父風與王齊同為侍中謂之雙鸞傳咸
贈詩云

三珠樹

王勃與弟勔劇皆著才名時稱三珠樹

丹桂五枝

竇禹鈞有子五人儀儼侃僖俱登科馮道贈詩曰
靈椿一株老丹桂五枝芳

陸氏兄弟五人皆有美譽

陸象先弟景倩景融景獻景喬歷河南令庫部郎中
皆有美譽

方漢二馮

馮定與馮宿齊名人方漢二馮

八裴方八王

裴徽比王祥裴楷比王衍裴康比王綏裴綽比王澄
裴瓚比王敦裴遜比王導裴頠比王戎裴邈比王玄
皆晉人當時謂之八裴

一時齊名

漢鍾皓與荀淑齊名范滂與李杜齊名費禕與許叔龍董允齊名顏延之辭采與謝靈運齊名顏速與謝暹裴楷少與王戎齊名江文蔚與張沆等五人齊名顧雍少與陸績齊名齊桂陽王鑠與鄱陽王錡齊名祖瑩與袁翻齊名邢劭與溫子昇齊名張吾貴與劉歊之齊名王彬好文章習篆隸與王志齊名崔廓博覽經史與李士謙齊名錢起與卽士元齊名盧綸與吉中孚等九人齊名號十才子白居易與劉禹錫齊名包融與賀知章張旭張若虛齊名李光弼治師與

郭子儀名

大小得名者十三

戴德刪禮記八十五篇號大戴禮戴聖刪為四十九篇號小戴禮夏侯勝得家傳尚書以授夏侯建由是尚書有大夏侯小夏侯之學鄭道昭與鄭述祖父子為兗州刺史號大鄭小鄭唐人秦景道與弟暉皆精漢書號大秦君小秦君馮奉世謂大馮野王與立為小馮晉人阮籍為大阮兄子咸為小阮歐陽詢為大歐陽通為小歐陽父子皆唐人杜甫為大杜牧與審

權為小杜杜欽為大冠杜杜欽為小冠杜范雍為大
范仲淹為小范宋郊為大宋宋祁為小宋宋嘉祐八
年許將及第治平四年許安世及第時號大許小許
任孜與弟伋知名于蜀東坡謂之大任小任

關西名震者三

關西夫子楊伯起關西男子常孝寬關西將軍李顯
忠

名震者二十六

鄧禹名震關西馬融名重關西隗囂名震西州郭泰

名震京師皇甫嵩名震天地宋張柔名震河朔金陳
和尚名震國中李膺名震遠夷卓茂名冠天下唐張
昌齡王公瑾名震京師馮野王名重當世晉王澄名
冠海內石勒言王衍名蓋四海宋杜衍名動京師沈
約言黃憲名重京師林蘊名重京師樊英名著四海
宋文彥博王德用名聞四夷顏真卿名重海內劉禹
錫名重一世李克用名聞天下唐裴度名震四夷唐
人張萬福名重天下

居喪孝感者十六

甄恬廬墓有白鴈白雀棲其廬裴子野居喪墓所有
白兔白鳩馴擾其側王崇居墓有茂草及鳥來巢馴
擾之異劉士雋負土廬墓狐狼馴擾為之取食翟晉
林負土廬墓家犬隨臨悲號二雀馴狎不驚唐程袁
師負土築墳有白狼黃蛇馴墓左每哭群鳥鳴翔華
秋廬墓有逐兎逃匿膝下自此馴左右狄仁桀居母
喪有白雀馴擾之祥安金藏廬墓冬季有花犬鹿相
擾支叔才廬墓有白鵲止旁唐張九齡母喪毀不勝
哀有紫芝產坐側白鳩白鵲巢家樹楊炎廬墓有白

鵲之祥唐文真廬墓有甘露降木白猿馴擾之瑞李
德饒母疾不解衣送喪積雪單袞跣行甘露降于庭
樹鳩巢其廬唐林擢廬墓有白鵲來甘露降馮子華
廬墓有靈芝白兔子宿舉進士

民稱父母者九

召信臣杜詩皆守南陽民為語曰前有召父後有杜
母宋人邵曄陳世卿知廣州並有能名民稱之曰邵
父陳母晉杜預修信臣遺迹號曰杜父隋房彥謙為
長昌令號曰慈父辛公義為岷州刺史民呼為慈母

宋登為汝陰令政令明稱神父楚白公亂國人望葉公如望慈父母

戰必勝者五

吳漢與公孫述戰於廣新之間八戰八克委師德與吐蕃戰于白水之間八遇八捷延岑與漢將臧宮戰三合三勝桓溫與漢將李權戰三戰三捷諸葛亮與孟獲戰七縱七擒

古人起微賤者二十

傅說起於版築膠鬲舉於魚塩伊尹耕於莘野呂望

劉於渭濱蕭何為刀筆吏灌嬰販繒樂布傭奴酒保
韓信寄食漂母朱買臣負薪卜式拔於芻牧弘羊擢
於賈豎衛青奮於奴僕金日磾出於降虜梁鴻賃舂
班超傭書黃憲父為牛醫竇少保掠賣十餘家王猛
嚮眷魏知古起小吏陳青公恕少為縣吏俄抗節請
書中進士第歷官叅政

女行部

孟母三徙

孟母舍近墓孟子之少也嬉戲為墓間事踴躍築埋

孟母曰此非所以居處子也乃去舍市其子嬉戲為
賈文曰此非所以居處子也乃舍學宮之傍其子乃
設俎豆揖讓進退曰此可以居子矣遂居孟子卒成
大儒

衛宗二順

衛宗二順者衛宗室靈王之夫人而及其侍妾也靈
王死夫人無子而守寡侍妾有子事夫人八年不哀
夫人願出居外侍妾泣而謂其子曰夫人欲居外使
我居內此逆也處逆而生豈若守順而死遂欲自殺

夫人聞之遂許留侍妾終年供養不衰

漢二儒令妻

梁鴻妻孟氏貌醜而德行甚修年三十始歸鴻孟易盛飾而御荆布然避避霸陵山中耕織以供衣食孟每進食舉案齊眉人敬而慕之鮑宣嘗從桓氏少君父學父奇其清苦以少君妻之宣不樂其美飾少君更著短布裳與宣共莞席寧歸拜姑氏禮畢捉甕出汲修行婦道與孟齊

晉二賢妻

陶侃母湛氏侃為潯陽縣吏以一坵鮓遺母湛氏封
還為書責之范孝廉宿於侃家湛自剗給其馬又密
截髮賣與鄰人供饋侃孝廉聞之嘆曰非此母不生
此子後侃竟以功名顯

虞潭母孫氏潭少孤母守節訓以忠義及潭為南康
太守值杜弼蘇峻之亂母傾貲以餽戰士戒之曰吾
聞忠臣出孝子之門女當舍生勿以吾老為念也其
憂國之誠如此卒年九十五歲帝遣使吊祭謚曰定
夫人

二妹才質

謝朗之妹道韞聰明有才辨適王凝之同郡張玄妹亦有才質適顧氏有濟尼者遊于二家或問之荅曰謝夫人神情散朗故有林下之風顧家婦清心玉英自是閨房之秀

兩女乘龍

孫嵩字文英與李元禮俱娶太尉桓玄之女人謂桓淑元兩女乘龍言得婿如龍也

杜氏二真女

臨海仙居人隋大業末二女家鬻湯餅甫筭喪父母
庖人挑之二女憤激殺庖人去之孟溪隱焉會溪溢
俱死

二蘇賢母

姓程氏仁霸女通經史有節氣適洵生軾轍洵遊學
四方程教二子以書甚嚴每語家人曰二子必不忝
蘇門嘗讀漢范滂傳慨然太息軾請曰軾若為滂夫
人許之否乎程曰爾能為滂吾顧不能為滂母邪

三陳賢母

諫議大夫陳省華娶馮氏生三子長堯叟次堯佐末
堯咨皆登進士第仕至顯貴咨善射為荆南太守歸
謁其母母曰忠孝以輔國爾父之訓也爾不務行仁
政化民顧專卒伍一夫之技豈父之訓哉因擊以杖
金魚墜地世稱曰善教

竇氏二女

奉天竇氏二女生有志操永泰中盜起剽掠村落二
女被掠長年十九次年十六義不受辱投山崖下而
死

沈氏婦姑二節

平江人元至正中沈景新調上海吏江浙苗軍大肆殺掠母與婦謀曰吾家素清白義不受辱頃為苗軍所擒曰爾能從吾不殺汝婦姑大罵苗軍怒刃其姑縛婦髮馬尾曳殺之

管氏二婦

揚州人管賢妻關氏管哲妻馬氏洪武中賢卒關氏年二十六一子在襁褓且誓誓死不嫁後哲繼卒馬氏年二十一姑以其無嗣諷之他適馬氏曰伯氏姓

守節我獨不能手婦如力事紡績以養姑瞽子稍長
教之學星卜以資日給姑以天年終併力葬之後二
婦俱年七十餘郡上其事旌為雙節

婦德四教

婦德真順婦言辭令婦容婉婉婦功絲麻

掌中宇宙卷之十一 殿坐廳

山東兗州府推官汝陰盧翰鞞

潁州道兵備副使潛江歐陽東鳳發刻

潁州知州扶風孫崇先閱

儒學署學正古吳王會圖校

旁通篇上

鬼神部

六宮六曜

司太陽太陰天一太一黃幡豹尾之六宮主晝夜晦

明風雨之六運乃日曜月曜木曜火曜水曜土曜

中九天

五炁天君主北方元靈上極天始素天君主西南妙
靈實華天九炁天君主東方玉華無極天始丹天君
主東南太虛真極天一炁天君主上方玉清虛皇天
始玄天君主西北素靈皓元天七炁天君主西方三
靈素華天始青天君主東北太靈真元天三炁天君
主南方南極王文天

外九天

智德天尊主北方變關化身天威範天尊主西南至
妙變空天仁愛天尊主東方元真寶曜天尊和天尊
主東南開靈傳道天載德天尊主下方中極總生天
成化天尊主西北元關傳濟天義議天尊主西方成
德曜晶天智積天尊主東北暉明流光天禮教天尊
主南方太平運化天

度朔山二神

兄弟二人一曰神荼一曰鬱壘性能執鬼

三疫鬼

顓頊氏三子七一居江水水中為瘡鬼一若若水為魍
魎或鬼一居宮室區隅中舌驚小兒為小鬼或音或

四瀆源王龍庭

江瀆源出岷山瀉池廣源王所理廟在益州寧縣河
瀆源出崑崙之墟靈源王所理廟在河中府龍門縣
淮瀆源出南陽桐栢山長源王所理廟在唐州桐栢
山濟瀆源出王屋山清源王所理廟在河陽濟源縣

五嶽號

中嶽曰中天崇聖帝東嶽曰天齊仁聖帝南嶽曰日

天昭聖帝西嶽曰金天順聖帝北嶽曰安天元聖帝

四海龍王

東海清華宮淵聖廣德王南海丹陵宮洪聖廣利王
西海素靈宮通聖廣運王北海玄冥宮冲聖廣澤王

十二溪真龍洞

巫峽溪上真廟

在瓊縣

五雲溪上真廟

在越州岷山

溪上真廟

在嘉州

清遠溪上真廟

在廣州桐栢溪上

真廟

在台州

蟠冢溪上真廟

在嘉州

崑崙溪上真廟

在北地

武陵溪上真廟

在鼎州

芾羅溪上真廟

在越

州滌溪上真廟在利州浣沙溪上真廟在越州馮池

溪上真廟在洛東

追凶惡十二神係驅備

甲作食和脾胃食虎雄伯食魅騰簡食不祥攬諸食
咎伯竒食夢強梁祖明共食礫死寄生委隨食觀錯
斷食巨窮竒騰根共食蠱

身神百魔

腦神曰泥丸頂中神通天頂前神朱陽頂後神玄冥
頂左神青光頂右神白章頂髮神曰蒼華額神曰天

疾左肩神畢童右肩神羽童左目神日 右目神月

光左額神玉關右額神玉梁鼻左竅通陽鼻右竅通

陰口左神命童口右神天糧齒神曰命關左牙神天

鐘右牙神天磬舌神曰赤童上唇神停蓋下唇神靜

輿左頤神黃父右頤神黃母頭左神柱天頸右神昇

平左肩神遠山右肩神遠安左肘神飛龍右肘神伏

虎左手神天丁右手神天都左指神甲卒右指神禦

兕膝左神扶干膝右神扶力左筋神衛邊右筋神防

非胃神曰天田青神曰紫房脊神曰運陽腹神曰包

靈臍神曰中平脾神曰黃常心神曰丹元肝神曰無
芝肱神曰白元腎神曰桃康腰左神動關腰右神搖
停陰神曰幽關尻神曰幽闕左股神玄岳右股神玄
山左膝神轉生右膝神幽停左脛神天柱右脛神天
關左腓神幽狐右腓神幽狼左腳神輪空右腳神運
塵骨神曰內丁幽神曰衛非皮神曰包羅

六丁神

丁卯神司馬卿丁丑神趙子玉丁亥神張文通丁酉
神臧文公丁未神石叔通丁巳神崔巨卿

漢武帝行禮祠八神

八神即封禪書所載一天主祠天齊二地主祠泰山
梁父三兵主祠蚩尤四陰主祠三山五陽主祠之界
六月主祠之耒七日主祠成山八四時主祠瑯琊

佛教部

一處

制心一處萬事可辦經云聖人求心不求佛智人調
心不調身

一倫

一倫生死首尾圓照

二論

生死為二輪經云兩輪既具六趣斯遊

二諦

真諦俗諦直指空寂為真依文解義為俗

二足一名福慧二嚴

福足慧足佛稱兩足尊

二空

一性空無我人衆生壽者二法空無色受想行識

二食

一禪悅食一法喜食

二障

一者理障礙正知見二者事障續諸生死

二相

心相身相

二見

內見外見又同分妄見別業妄見

菩薩二障

一煩惱障一所知障

入道二法

一曰大明之智識二曰彌堅之志力

調心有二義

一調伏亂心不令越逸二令浮沉緩急得所

覺靜心二義

照自體名為覺於靜心體自照名為靜心自覺

三覺

文殊等覺普賢妙覺佛圓覺又佛具三覺自覺他覺

行圓滿

三業

身業
口業
意業

三觀

泯相澄神觀起幻消塵觀絕待靈心觀

三心

過去心
見在心
未來心

三明

天眼
智明
漏盡
智明
宿命
智明

三檀

資生檀無畏檀法檀

三諦

中諦者統一切法真諦者泯一切法俗諦者主一切法

三乘

少乘聲聞大乘圓覺最上乘菩薩

三學

定慧清寧無染是戒知心不動對境寂然是定知

心不動時不生不動想知心清靜時不生清靜想是
慧

三捨

隨方應物能所皆忘是謂大捨行道布德無所希望
是謂中捨修行衆善有所希望是謂小捨

三昧

聞思修達耳之謂聞著心之謂思治習之謂修三者
圓明即為三慧

三始

摩騰竺法蘭二人為漢地僧之始摩騰翻譯四十二章經是漢地法之始乃圖畫釋迦像如法供養是漢地三寶之始

三藏

經一戒律一藏論一藏

三大智

無師智自然智無礙智

佛三德

法身斷德報身智德化身恩德

食三德

清靜德柔軟德如法德

三觀三惑三智三德

空觀者破見思惑證一切智成般若德假觀者破塵沙惑證道種智成解脫德中觀者破無明惑證一切智成法身德

三解脫門

空解脫門空不見空無相解脫相不見相無願解脫願即無願

三種滲漏

一曰見滲漏機不離位墮在毒海二曰情滲漏滯在
向背見處偏枯三曰語滲漏窳妙失宗機昧終始

三門入道

若從文殊門入者一切無為土木瓦礫助汝發機若
從觀音門入者一切音響蝦蟇蚯蚓助汝發機若從
普賢門入者不動步而到

三身

三身清靜法身汝之性也圓滿報身汝之智也千

百億化身汝之行也

四智

大圓鏡智平等性智妙觀察智所作智

李邴三驗

一事無順逆隨緣即應不留宵中二宿習濃厚不加
排遣自爾輕微三古人公案舊所茫然時復瞥地

佛有三能三不能

佛能空一切相成萬法智而不能即滅定業佛能知
群有姓窮億劫事而不能化導無緣佛能度一切有

情而不能盡衆生界

四門

一曰有門一曰空門一曰亦空亦有門一曰非空非有門

四諦

諦繫着妄念也精勤修證心無間歇名為苦諦廣尋經論探求妙理名為集諦斷諸妄念至求常寂名為滅諦遠離煩亂精研佛理名為道諦乃小乘之法若大乘根器一聞萬了當體頓空更明四聖諦義名之

為藥對破前病心本清虛不假修證名無苦諦性含
萬法豈在尋求名無集諦妄念無生本自常寂名無
滅諦靜亂無二邪正不殊名無道諦

四緣

因緣諸法和合次第緣心心數法所緣法無所依增
上緣法無可得

四教

初藏教二通教三別教四圓教

四流

欲流有流無名流見流

四果

須陀洹預統果斯陀含一來果阿那含不還果阿羅漢無生果

四大

地大皮肉筋骨膠定一身水大津血精屎滋潤一身火大煖氣均融和溫一身風大運奔施為動轉一身

四依

依法不依人依義不依語依智不依識依了義不依

不了義

四無色

空無邊處空空是空識無邊處識定是識無所有處
無空是空非非想處無想不定

四威儀

行威儀住威儀坐威儀卧威儀

四正勤

精進根如苗茲茂精進覺心心警策精進力毫釐不
屈正精進不隨即習

四種身

一法身無為無相無主無宗蕩寂空無自然淡泊二
報身獨立無侶朗然無匹光耀世界自在隱顯三應
身備諸形色識行無滯任物千圖神應萬變四化身
開演正法尊以三乘利潤蒼生隨機化悟

四無礙解

詞無礙口海安濤辯無礙義無不了法無礙應作是
說義無礙法無不遂

四行

初報怨行二隨緣行三名無所求行四名稱法行達
磨以此法門化魏土

息調凡有四相

一風二喘三氣四息

五根

信根結法入海念根住皆不忘定根隔寂靈通慧根
明辨實諒精進根念茲在茲

五教

賢首教天台教慈恩教南山教密教

五蔭

對色染色隨色受生名為色蔭領納八風好集邪信
即隨領受中生名為受蔭迷心取想隨想受生名為
想蔭結集諸行隨行受生名為行蔭於平等體妄起
分別繫著虛識受生名為識蔭

五眼

肉眼見暗不見天眼能見自性慧眼能見字義法
眼量根收道佛眼圓明普照

五性

聲聞性緣覺性菩薩性不定性外道性

五畏

畏病畏惡名畏死畏墮惡道畏大衆威德

五樂

凡夫以苦為樂諸天以逸為樂羅漢以禪定為樂菩薩以利生為樂諸佛以慈悲為樂

五調法

一調節飲食二調節眠睡三調身四調氣五調心

五濁

以濁煩惱濁衆生濁見濁命濁

五種法身

一實相法身二功德法身三法性法身四應化法身
五虛空法身

五宗正法

臨際宗為山宗雲門宗曹洞宗法眼宗

涅槃入聖五種

一者隨分涅槃二者有餘涅槃三者覺滅涅槃四者
方便涅槃五者究竟涅槃

六德

自在德熾盛德端嚴德名稱德吉祥德尊貴德

六相

總相別相成相同相異相壞相

六度

布施捨己惠他靜戒三業無染精進勇猛無法安忍
毀譽風清靜慮妙絕諸緣般若知慧圓徹

六塵

一云外六塵

色塵形顯質礙聲塵反聞成迷香塵薰灼感知味塵

形淡遷濃法塵萬般紛紜

七寶

一信二精進三戒四慚愧五聞捨六忍辱七定慧

七慢

一情慢恃已凌人二過慢同德相傲三增上慢以少
為足四慢過慢本勝又爭勝五邪慢不禮神佛六卑
劣慢以劣自矜七我慢自尊自能

八教

一曰頓二曰漸三曰祕四曰不定五曰歲六曰通七

曰別八曰圖

九結

愛結恚結慢結痴結疑結邪見結見取結嫉妬結慳結

十性

佛性覺性法性本性靈性真性實性空性天性體性
菩薩十地

歡喜地證聖位故離垢地身心清靜發光地智已生
明焰慧地妙解廓昭現前地通達真俗難勝地功行

超越遠行地隨步應化不動地忍智自知法雲地天
照負明慧地發真如用

色界十八天梵

梵衆天梵輔天大梵天此三勝流名為初禪少光天
無量光天光音天此三勝流名為二禪少靜天無量
靜天徧靜天此三勝流名為三禪福生天福愛天廣
果天無想天此四勝流名為四禪無煩天無熱天善
現天善見天色究竟天是十八天獨行無變未盡行
累名為色界

二十難

貧窮布施難 豪富學道難 拚命不死難 得覩佛經難
生值佛世難 忍色離欲難 見好不求難 有勢不陵難
被辱不嗔難 觸事無心難 廣學博究難 不輕末學難
除滅我慢難 會善知識難 見性學道難 對境不動難
善解方便難 隨化度人難 心行平等難 不說是非難

道教部

一生

道生一一生 二生三三生 萬物

三知

入道者知止守道者知謹用道者知微能知微則慧
先生能知謹則聖智全能知止則泰宇定

三似

以誠而入以默而守以柔而用用誠似愚用默似訥
用柔似拙

三無

為無為事無事味無味

三關

初關煉精化氣中關煉炁化神上關煉神化虛

三乘

上乘延生法中乘養命法下乘安樂法

三寶

一曰慈二曰儉三曰不敢為天下先

三戒

簡緣無欲靜心

三乘等差

末學之士目不妄視耳不妄聽心不妄知禁約一切

泯絕萬態以致於道至學之士視無所見聽無所聞
心無所知動無所逐以觀衆妙大乘之士無見而無
不見無聞而無不聞無知而無不知內外洞然達彼
無間故能參宇宙而遊無盡之域

道士有五

一天真道士高玄皇神之流也二神仙道士杜仲尹
軌之列也三山居道士許由巢父之比也四出家道
士宋倫彭謚之比也五在家道士黃瓊錢鏗之倫也
得道者心有五時

一動多靜少二動靜相半三靜多動少四無事則靜
事觸還動五心與道合觸而不動

司馬子微坐忘論七篇

一敬信二斷緣三收心四簡事五真觀六泰定七得
道

三洪崖先生

洪崖先生有二其一三皇時伶倫得仙者號洪崖神
仙傳衛叔卿與數人博戲於華山石上其子度曰與
父並坐者誰也叔卿曰洪崖先生許由巢父耳其一

唐有張氲亦號洪崖先生晉州神山人隱姑射開元七年見上於湛露殿施藥疫者立愈常服烏方帽紅蕉衣黑犀帶跨白驢從者負六角扇垂雲笠鐵如意往來市間豫章人圖其像立祠於洪井云

醫術部

十二經常脉

手三陰謂太陰肺經少陰心經厥陰心胞經手三陽謂陽明大腸經太陽小腸經少陽三焦經足三陰謂太陰脾經少陰腎經厥陰肝經足三陽謂陽明胃經

太陽膀胱經少陽膽經附任督二竒為十四經手之三陰從臍起至手手之三陽從手起至頭足之三陽從頭下起至足足之三陰從足上起至腹

五藏平脈

心脈浮大而散肺脈浮澁而短肝脈絃而長脾脈緩而大腎脈沉而軟滑

三部九候

寸為陽為上部主頭項以下至心胸之分也關為陰陽之中為中部主臍腹肱脇之分也尺為陰為下部

主腰足脛股之分也凡此三部之中每部各有浮中沉三候三而三之為九候也浮主皮膚候表及腑中主肌肉以候胃氣沉主筋骨候裏及藏也

脈提綱六字

浮為陽為表診為風為虛沉為陰為裏診為濕為實遲為在藏為寒為冷數為在腑為熱為燥滑為血有餘瀯為氣獨滯人一身之變不越乎此蓋以其足以統夫表裏陰陽冷熱虛實風寒濕燥藏腑血氣也

五藏動止脈

凡人脈五十動一止者五歲皆有氣四十動一止者一歲無氣四歲死三十動一止者二歲無氣三歲死二十動一止者三歲無氣二歲死十動一止者四歲無氣歲中死病脈不在此例平人以此推之

三部受病

寸部上焦頭面之病關部中焦腹肚之病尺部下焦腰脚之病

四脉受病

浮脉主風虛病沉脉主氣痰病遲脉主冷痛病數脉

主熱瘡病

明汗吐下三部

六脈浮緊當汗心脈浮緊當吐肝脈浮緊當下

九道

一長者陽也二短者陰也三虛者陰也四促者陽也
五結者陰也六代者陰也七牢者陰也八動者陰也
九細者陰也

三焦

上焦者在心下下膈在胃上口主內而不出其治在

臍中五臟下一寸六分凡兩乳間陷者是中焦者在胃中脘不上不下生腐熟水穀其治在臍傍下焦者當膀胱上口主分別清濁主出不內以傳道也其治在臍下一寸故名曰三焦

五藏之用

肝色青其臭臊其味酸其聲呼其液淚心色赤其臭焦其味苦其聲嘆其液汗脾色黃其臭香其味甘其聲歌其液涎肺色白其臭腥其味辛其聲哭其液涕腎色黑其臭腐其味鹹其聲呻其液唾是五藏聲色

臭味也

五藏有七神所藏

肝藏魂肺藏魄心藏神脾藏意與智腎藏精與志

五府

小腸者受盛之府大腸者傳瀉行道之府膽者清靜之府胃者水穀之府膀胱者津液之府

腎獨有兩

左者為腎右者為命門命門者諸神精之所舍元氣之所繫也男子以藏精女子以繫胞

五藏上關九竅

肺氣通於鼻鼻和則知臭香肝氣通於目目和則知
黑白脾氣通於口口和則知穀味心氣通於舌舌和
則知五味腎氣通於耳耳和則知五音

八會

府會太倉藏會季脇筋會陽陵泉髓會絕骨血會膈
俞骨會大杼脉會太淵氣會三焦外一筋直兩乳內
也即腫中為氣海者

四時癘疾

凡八四時之間冬傷於寒陽主於內春木用事而陽
發於外然後寒氣搏之為疝首之疾春木為肝而主
色火勝於夏以子勝母故暑氣溢而為疥痒之疾夏
傷於暑陰主於內秋金用事而陰發於外然後暑氣
搏之為瘡寒之疾秋金為肺而主聲水勝於冬以子
勝母故寒氣壅而為嗽上氣疾皆四時不和之氣

正經自病五

憂愁思慮則傷心形寒飯冷則傷肺恚氣逆上而
不下則傷肝飲食勞倦則傷脾久坐濕地強力入水

則傷腎

六氣致疾

天有六氣降生五味發為五色徵為五聲淫生六疾
六疾曰陰陽風雨晦明也分為四時序為五節過則
為菑陰淫寒疾陽淫熱疾風淫火疾雨淫腹疾晦淫
惑疾明淫心疾攝調順氣則無此疾

五臟之積

肝之積名曰肥氣在左脇下如覆杯有頭足心之積
名曰伏梁起臍上大如臂上至心下脾之積名曰痞

氣在胃脘覆大如盤肺之積名曰息責在右脇下覆
大如杯腎之積名曰賁脈發於小腹上至心下若脈
狀或上或下無時

藥六以類養

凡藥以酸養骨以辛養筋以鹹養脈以苦養氣以甘
養肉以滑養竅

木之味酸以酸收其骨使之強也金之味辛以辛散
其筋使不攣也水之味鹹以鹹潤其脈使之和也火
之味苦以苦堅其氣使之完也土之味甘以甘緩其

肉使不壅也竅欲通利故以滑物養其竅使無所疑止焉

五氣之鬱

木鬱達之火鬱發之土鬱奪之金鬱泄之水鬱折之藥有五天

決明為肝天紫苑為肺天神麩為脾天遠志為心天菝葜為腎天

四醫

望而知之謂之神聞而知之謂之聖問而知之謂之

工切而知之謂之巧